

QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Dic Iovis 18. Novembris.

M. IOANNE BAPTISTA FERRAND,

Doctore Medico, Præside.

An Ingenij diversitas à Sexu?

I.

VT à Barbaris differunt nostri homines, eloquio, ritu, moribus, propter diversam habitandi, vivendi, & operandi necessitatem, at in hoc conveniunt, ut homini quos dedit igniculos Deus, pares habeant utrique, Ἕλληνες οἷον σοφοὶ αἰῶνες, οὐδὲν γὰρ σοφώτεροι βαρβάρων: sic à masculo differat muliercula, sexu, vestitu, specie, (qualitatibus, partibus & functionibus corporis vix etsi distinguatur apud nonnullos, unde non stupenda ejus transmutatio) Quod ad ingenij naturam, nihil ab essentiâ illius inter utrumque discriminis, nullum homini proprium quâ vir, nullum fœminæ quâ mulier, at dispersum pro ratâ, duali, par ambobus, & minimè distans ingenium. licentia amens, & lingua intem-

perans quæ extollit virum, ut deprimat mulierem, quippe quod ex iisdem principiis à Deo conflata, quibus mas, & ad opificis similitudinem facta.

I I.

NVLLA quandoquidem pro diverso sexu, ingenij distinctio, utpote quòd sexus uterque, disjunctus, sive connexus, hominis appellatione veniat, in viro masculum non est, in muliere fœmineum, in hermaphrodito androgynæum; æquè dispersæ sunt qualitates in utrisque, neuter sexus, ne vel ambiguus altero potior, neuter deterior, nec fœmina secundum, sed alterum humanitatis decus, uno patre, uno die, uno partu cum viro edita. Merito igitur, ait muliebri genus, apud mordacem Poëtam, & clames licet, & mare Cœlo confundas, homo sum; ut injuriosè loquuntur qui differentias inducunt inter marem, & fœminam, naturæ velut accusatores quod non totos generavit masculos: quamvis toga non sit supra stolam, nec typus hominis veriùs agnoscat in hac, quàm in illa.

I I I.

VIRO si præclusa virtus non est, quâ veni-
rem refugiat, mediante ingenio, præter
quam si legitima fuerit copula, & mulierem, cujus
ingenium nequicquam degener, ad arcendam
lacerationem, admittit, compressio per sacra nisi
permittatur; rerum iste gnarus existere si potest, re-
rum peritiæ apta hæc: impetus ei generosos si vi-
deant omnes quibus publica sectatur, pares & huic
spiritus queis privata relinquit: si malè prensatur

declinat, si imperat flectit, si pugnat expugnat, si argumentatur convincit, si medetur curat, si iudicat dijudicat, si petit extorquet; unde fides, siue domi, siue militiæ, res à fœminis non secus geri, quàm si mares forent: quod non succussant Sapientes, sed inquietis qui præcordiis vexationem quærunt.

I V.

CONCESSA, quæso, cur æqualitas, domesticis parietibus addictæ mulieres pronubâ uri flammâ si nequeant, dominari & arma gerere, loquentes & mutas profiteri artes, Iudicum & postulantium officio fungi? quæ pectus invidia pulsavit Deum exhonorans, qui utrumque edidit hominem, dum vult alterum præstare alteri, cuius auxilio vicissim opus est! an masculus in se, aut fœmina solum ad nativitatis propagationem sufficiens est? Vtrumque eorum nonne coaptavit Divinitas, ad generationis & educationis, regiminis & imperij, doctrinæ & prudentiæ opus? A publicis officiis si removerunt fœminas Romani, propter Caiam Afraniam, quæ quidem effrons, an easdem contrariâ lege admittere prohibet lex, ut res vortat in earum dedecus, quæ summæ sexus laudi vertebatur?

V.

CVPIDINEIS num aptæ triumphis quotquot sunt fœminæ, colum & fustum tractant omnes, acum & pensum? Impositum cinerem, & sopitos an suscitant ignes? Desunt Lucretiæ, Hypetiæ, Tomires, Artemisiæ, Hethæ, Thelesillæ, Aspasiæ, Corneliæ? Desunt Cleopatraz, Michales,

Deboræ, Constantiæ, Amœsiæ, Hortensiæ? Extant contrà, & non rarò, haud ignorantes omnium fœminæ, quæ sciunt viri, & sagientes quod prohibent illis attingere, incassum sed vetant; extant quæ linguas callent, versus condunt, & solutam orationem promunt, quæ philosophantur, Mathematicam, Astrologiam, Vaticinatricem, Theologiam profitentur, quid plura? Extant quæ sub dio inter armatos versantur, natant, venantur.

Ergo nulla Ingenij diversitas à Sexu.

Proponcbat Lutetiæ R. A. Y. M. V. N. D. V. S. VASLET
Engolismas, A. R. S. M. DC. LXVI.

DOMINI DOCTORES DISPUTATVRI.

M. Carolus Baralis.

M. Ioannes de Bourges.

M. Antonius Charpentier.

M. Ioannes Ant. Bourgaud.

M. Robertus Patin.

M. Franciscus Pijart.

M. Germanus Hureau.

M. Michael de la Vigne.

M. Francisc. Boujonniet.

Ex Typographia FRANCISCI MUGUET, Regis ac
Illustriss. Archiepiscopi Paris. Typographi.